

ხელშეკრულება სახელმწიფო შესყიდვის შესახებ №8/18

ქ. თბილისი

25 იანვარი 2019 წელი

ჩვენ, ერთი მხრივ, ა(ა)იპ „საქართველოს ეროვნული ბოტანიკური ბაღი“, წარმოდგენილი დირექტორის თამაზ დარჩიძის სახით (შემდგომში „შემსყიდველი“), ხოლო მეორეს მხრივ შპს „ტოიოტა ცენტრი თბილისი“, წარმოდგენილი დირექტორის ირაკლი გურჩიანის სახით (შემდგომში „მიმწოდებელი“), ვხელმძღვანელობთ რა „სახელმწიფო შესყიდვების შესახებ“ საქართველოს კანონითა და სხვა მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი ობიექტი, ტექნიკური პირობები და კლასიფიკატორის კოდი

- 2.1 ხელშეკრულების შესყიდვის ობიექტი: საქართველოს ეროვნული ბოტანიკური ბაღისათვის სამგზავრო ავტობუსის, Toyota Coaster-ის სახელმწიფო შესყიდვა;
- 2.2 კლასიფიკატორის კოდი: CPV 34121100 - საზოგადოებრივი ავტობუსები.
- 2.3 ხელშეკრულებით გათვალისწინებული საქონლის აღწერა მოცემულია, #NAT190000122 სატენდერო დოკუმენტაციის ტექნიკურ დავალებაში და ხელშეკრულების დანართი #1-ში.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 161 000 (ას სამოცდაერთი ათასი) ლარს.
- 3.2 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

4. მიწოდების ვადა და ადგილი

- 4.1 საქონლის მიწოდება უნდა მოხდეს ხელშეკრულების გაფორმებიდან 130 (ას ოცდაათი) კალენდარული დღის განმავლობაში.
- 4.2 საქონლის მიწოდების ადგილია ქ. თბილისი, ბოტანიკურის ქ. #1

5. ხელშეკრულების შესრულების კონტროლი

- 5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან განახორციელოს საქონლის ხარისხის ინსპექტირება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად

გამოვლენილი ყველა ხარვეზის ან ნაკლის აღმოფხვრა.

5.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ა(ა)იპ „საქართველოს ეროვნული ბოტანიკური ბაღის“ სამეურნეო და მატერიალური უზრუნველყოფის განყოფილების უფროსი ვალერიან თოფურია.

6. მხარეთა უფლება-მოვალეობანი

6.1 შემსყიდველი ვალდებულია აუნაზღაუროს მიმწოდებელს მიწოდებული საქონლის ღირებულება წინამდებარე ხელშეკრულებით გათვალისწინებული პირობებით.

6.2 მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

6.3 მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში.

6.4 მიმწოდებელი ვალდებულია ანგარიშსწორებისას მიუთითოს მიწოდებული საქონლის ღირებულება და წარმოადგინოს შესაბამისი დოკუმენტაცია.

6.5 შემსყიდველი უფლებამოსილია საქონლის მიწოდებამდე ნებისმიერ დროს მოითხოვოს მიმწოდებლისგან მისთვის საჭირო ინფორმაცია.

6.6 შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებული ვადების და პირობების დაცვით.

6.7 მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.8 მიმწოდებელი ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

7. საქონლის მიღება-ჩაბარების წესი

7.1 საქონლის მიღება-ჩაბარებას შემსყიდველის მხრიდან განახორციელებს ა(ა)იპ „საქართველოს ეროვნული ბოტანიკური ბაღის“ სამეურნეო და მატერიალური უზრუნველყოფის განყოფილების უფროსი ვალერიან თოფურია.

8. ანგარიშსწორება

8.1 ანგარიშსწორება მოხდება ლარში.

8.2 გადახდის ფორმა – უნაღდო.

8.3 მიმწოდებლის არგუმენტირებული მოთხოვნის შემთხვევაში შესაძლებელია საავანსო ანგარიშსწორება მთლიანი სახელშეკრულებო ღირებულების 30%-ის ფარგლებში, საქართველოს რეზიდენტი საბანკო დაწესებულების (არარეზიდენტი პირების მიერ დასაშვებია უცხოური ბანკის მიერ გაცემული გარანტია, რომელიც დამოწმებული უნდა იქნას საქართველოში მოქმედი საბანკო დაწესებულების) ან ს.ს.ი.პ. „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიის/დაწესებულების მიერ გაცემული შესაბამისი ოდენობის წინასწარი გადახდის უპირობო გამოუთხოვად საბანკო გარანტიასთან ერთად. საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული სამუშაოების შესრულების ვადას.

8.4 წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე გაცემული წინასწარი ანგარიშსწორების (საავანსო) საბანკო გარანტიის წარმოდგენიდან 10 (ათი) სამუშაო დღის განმავლობაში.

8.5 ანგარიშსწორება მოხდება 2018 წლის ადგილობრივი ბიუჯეტის, მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

9. გარანტია

9.1 მიმწოდებელი იძლევა გარანტიას, რომ მიწოდებული საქონელი იქნება ახალი, ხარისხიანი, ექსპლუატაციაში არ მყოფი უპასუხებს ტექნიკური მახასიათებლებით გათვალისწინებულ მოთხოვნებს და დააკმაყოფილებს შემსყიდველის მოთხოვნებს;

9.2 მიმწოდებელი ავტომატურად ვადაა მიღება-ჩაბარების აქტის გაფორმებიდან 3 წელი (3 წელი ძირითად აგრეგატებზე (ძრავა, ხიდი, გადაცემათა კოლოფი), ან 100 000 კილომეტრი რომელიც ადრე შესრულდება);

9.3 საგარანტიო ვადის განმავლობაში გამოვლენილი დეფექტების აღმოფხვრას მიმწოდებელი უზრუნველყოფს საკუთარი სახსრებით შემსყიდველი ორგანიზაციის მოთხოვნიდან უმოკლეს ვადაში;

10. ფასები

10.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

10.2 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

10.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

11. ხელშეკრულებაში ცვლილებების შეტანა

11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა

„სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

11.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

12.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველსა, მიმწოდებელსა და მესამე პირს შორის.

13. სუბკონტრაქტორები

13.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებაზე ხელშეკრულების დამატების სახით.

13.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

13.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

14. ხელშეკრულების პირობების შეუსრულებლობა

14.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

14.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე შესასრულებელი ვალდებულების ღირებულების 0,02%-ის ოდენობით.

14.3 ვალდებულების არაჯეროვნად შესრულების ან მიმწოდებლის მიზეზით ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო 5% ოდენობით.

14.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14.5 საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

15. ხელშეკრულების შეწყვეტა მისი პირობების შეუსრულებლობის გამო

15.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს

მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;

ა) თუ მიმწოდებელი არ ასრულებს ან არაჯეროდან ასრულებს ხელშეკრულებით ნაკისრ ვალდებულებებს;

ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;

გ) იმ შემთხვევაში, თუ მიმწოდებლის მხრიდან საქონლის მიწოდების ვადების დარღვევის პერიოდი აღემატება 20 (ოცი) დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს;

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;

ე) მიმწოდებლის გაკოტრების შემთხვევაში;

ვ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

ზ) საქართველოს კანონმდებლობით გათვალისწინებულ სხვა შემთხვევებში;

15.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს საქონელი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16. ფორს-მაჟორი

16.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

17. სადაო საკითხების გადაწყვეტა

17.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

17.2 თუ ასეთი მოლაპარაკებების დაწყებიდან 15 (თხუთმეტი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს თბილისის საქალაქო სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

18. ურთიერთობა ხელშეკრულების დამდებ მხარეებთან

18.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილი უნდა მოხდეს ფოსტის საშუალებით. ოპერატიული კავშირის დამყარების მიზნით დასაშვებია შეტყობინების მეორე მხარისთვის მიწოდება ელექტრონული ფოსტის მეშვეობით, ორიგინალის

შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

19. გადასახადები და დაბეგვრა

19.1 უცხოელი მიმწოდებელი პასუხს აგებს საქონლის მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

20. სხვა პირობები

20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

20.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20.4 გამარჯვებული პრეტენდენტის მიერ წარმოდგენილი სატენდერო წინადადება და დანართ(ებ)ი თან ერთვის ხელშეკრულებას და წარმოადგენს მის განუყოფელ ნაწილს.

20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

20.6 ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

21. ხელშეკრულების მოქმედების ვადა

21.1 წინამდებარე ხელშეკრულება ძალაშია ხელშეკრულების გაფორმებიდან 2019 წლის 30 აგვისტოს ჩათვლით.

22. მხარეთა რეკვიზიტები:

შემსყიდველი:

ა(ა)იპ „საქართველოს ეროვნული
ბოტანიკურ ბაღი“
მის: ქ. თბილისი, ბოტანიკური ქ. #1
ს/კ: 404405960
ბანკი: სახელმწიფო ხაზინა
ბანკის კოდი TRESGE22
ანგ. #741 887 499

თამაზ დარჩიძე
დირექტორი

მიმწოდებელი:

შპს "ტოიოტა ცენტრი თბილისი"

მის: ქ. თბილისი, დ. აღმაშენებლის ხეივანი, მე-20 კმ
ს/კ: 211346220
ბანკი: ქართუ ბანკი
ბანკის კოდი: CRTUGE22
ანგ: GE50CR0000000019833602

ირაკლი გურჩიანი
დირექტორი



2019 წლის 25 იანვრის #8/18 ხელშეკრულების დანართი #1

#	დასახელება	რაოდენობა	ღირებულება (ლარი)	წარმოშობის ქვეყანა	მწარმოებელი კომპანია	გარანტია
1	Toyota Coaster	1	161 000	იაპონია	ტოიოტა	3 წელი ან 100 000 კილომეტრი, რომელიც უფრო ადრე შესრულდება

შემსყიდველი:

ა(ა)იპ „საქართველოს ეროვნული
ბოტანიკურ ბაღი“
მის: ქ. თბილისი, ბოტანიკური ქ. #1
ს/კ: 404405960
ბანკი: სახელმწიფო ხაზინა
ბანკის კოდი TRESGE22
ანგ. #741 887 499

თამაზ დარჩიძე
დირექტორი

მიმწოდებელი:

შპს "ტოიოტა ცენტრი თბილისი"

მის: ქ. თბილისი, დ. აღმაშენებლის ხეივანი, მე-20 კმ
ს/კ: 211346220
ბანკი: ქართუ ბანკი
ბანკის კოდი: CRTUGE22
ანგ: GE50CR0000000019833602

ირაკლი გურჩიანი
დირექტორი



2019 წლის 25 იანვრის #8/18 ხელშეკრულების დანართი #2

ძრავის ტექნიკური მახასიათებლები	4.2 ლ. დიზელი
ძრავის მოდელი	1HZ
სარქველების ტიპი	12-სარქველი, OHC
ძრავის მოცულობა (სმ³)	4164
ცილინდრის დიამეტრი x სვლა (მმxმმ)	94.0-100.0მმ. (3.70-3.94)
მაქს. ბრუნის მომენტი (ნმ./ბრუნი წუთში)	285 / 2200
მაქს. სიმძლავრე (კვტ./ბრუნი წუთში)	96 / 3800
მაქსიმალური სიმძლავრე (ცხ.ძ.)	129 / 3800
საწვავის სისტემა	შეფრქვევის ტიპის
შეკუმშვის ხარისხი	22.4 : 1
სიჩქარის გადაცემათა კოლოფი	
ტიპი	M155
სიჩქარეთა კოეფიციენტი	5,000
პირველი სიჩქარის კოეფიციენტი	4,535
მეორე სიჩქარის კოეფიციენტი	2,858
მესამე სიჩქარის კოეფიციენტი	1,600
მეოთხე სიჩქარის კოეფიციენტი	1,000
მეხუთე სიჩქარის კოეფიციენტი	0,744
რევერსული სიჩქარის კოეფიციენტი	5,043
დაკიდების სისტემა	
წინა	ორმაგი განივი ბერკეტის ტიპის
უკანა	მყარი, რესორული ტიპის
მუხრუჭები	
წინა მუხრუჭები	ვენტილირებადი დისკი
უკანა მუხრუჭები	ორმაგი დისკი
დისკები და საბურავები	
საბურავის ზომა	7.00R16 LT 12PR 116/114N
დისკები	215/70R17.5 118/116N LT
საჭე	
ტიპი	ჰიდრავლიკური ტიპის საჭე
მოხვევის კუთხის რადიუსი - საბურავი (მ)	7,2
ზომები და წონა	
სატრანსპორტო საშუალების მაქს. წონა (კგ.)	5670
აღჭურვილის წონა (კგ.) (+ მძღოლი)	3525-3650
სრული სიგრძე (მმ)	6990
სრული სიგანე (მმ)	2080
სრული სიმაღლე (მმ)	2635
თვლების ბაზა (მმ)	3935
წინა თვლებს შორის დაშორება (მმ)	1690
უკანა თვლებს შორის დაშორება (მმ)	1490
ძარის სიგრძე წინა თვლის ცენტრიდან (მმ)	1150
ძარის სიგრძე უკანა თვლის ცენტრიდან (მმ)	1905
საწვავის ავზის ტევადობა (ლ.)	95
მახასიათებლები	
აკუმულატორი	55D 23R X 2
უკანა დიფერენციალი	5,625
წინა თვლების მუხრუჭი	დისკი(16)
საწვავის გამათბობელი	მხოლოდ 24V
აქსელერატორის ბლოკირება	+
ელ.ენერგიის გენერატორი	24V X 60AIC (L3BH)

საათი	+
სავარძლების მასალა	ნაჭერი
უკანა შუშის ორთქლის მწმენდი	+
საქარე მინის ზედა ნაწილში მწვანე ფერის ლამინირებული მზისგან დამცავი	+
გვერდითი შუშა	+
უკანა შუშის მწმენდი	ინტერმიტირებული
უკანა გამათბობელი	2(მექანიკური)
წინა გამათბობელი	მექანიკური 120W ფილტრის გარეშე
წინა სავარძლის უსაფრთხოების ღვედი	D:3P ELR, P:3P ELR, SUB SEAT:2P
კონდიციონერი	+
უკანა სავარძლის უსაფრთხოების ღვედი	2P ტალღოვანი ტიპის
უკანა ხალიჩები	ვინილის ხალიჩები ხორკლიანი ზედაპირით
მძლოლის + წინა მგზავრის სავარძლები (HIBACK) + გასაშლელი სავარძელი	+
საწმენდი სითხე	+
ძარის ჟანგისგან დამცავი	+
ძრავის გამაგრებელი სითხე	IIc 50%
ძარის ფერი	ერთფეროვანი ორ ტონალობაში
საბარგულის კარი	+
უკან ხედვის სარკე	+
ცენტრალური კარი	ავტომატური ტიპის
უკანა ზამპერი	+
აუდიო სისტემა	AM/FM,CD
დინამიკები	4
წინა კარი	მძლოლისთვის
სათადარიგო საბურავი ჩამკეტით	+
მფლობელის სახელმძღვანელო	რუსულ ენაზე
მუხრუჭის ზედა მაშუქი	+
ფარდა	+
უკანა დამხმარე სარკე	+
საფერფლე	მძლოლი + მგზავრი
სავარძლების ტევადობა	23-30 პერსონაზე

შემსყიდველი:

ა(ა)იპ „საქართველოს ეროვნული
ბოტანიკურ ბაღი“
მის: ქ. თბილისი, ბოტანიკური ქ. #1
ს/კ: 404405960
ბანკი: სახელმწიფო ხაზინა
ბანკის კოდი TRESGE22
ანგ. #741 887 499

თამაზ დარჩიძე
დირექტორი

მიმწოდებელი:

შპს "ტოიოტა ცენტრი თბილისი"

მის: ქ. თბილისი, დ. აღმაშენებლის ხეივანი, მე-20 კმ
ს/კ: 211346220
ბანკი: ქართუ ბანკი
ბანკის კოდი: CRTUGE22
ანგ: GE50CR0000000019833602

ირაკლი გურჩიანი
დირექტორი

